

Trabounan ta wordo haci riba Plaza Daniel Leo

Den 1 luna trabou mester ta cla

ORANJESTAD – Den e ultimo dianan aki por mira cu na Plaza Daniel Leo tin construccinanan andando, cual ta parti di e proyecto di embeyecemento di Caya Grandi.

1 LUNA DI TRABOU

E compania di Man Power (Man-brak) a haya e proyecto aki for di Gobierno. Nan mester keda cla cu e proyecto aki den 1 luna, pero mas tarda pa luna di April mester ta completamente cla, segun e empleado di Man Power.

LUZ Y MATA LO WORDO PONI RIBA E PLAZA

Den e proyecto aki lo bay bin luz y bakinan di mata riba e Plaza. Ya caba a cuminsa traha riba e buraconan pa esaki nan wordo poni na nan luga. Momento di pone e palo di luz, mester midi esaki pa wak si e ta fit den e buraco, despues ta haci e area na mesun nivel y ta pone e luz y klinkers rond di dje.

Na e parti mey mey ta bay bin un cazebo cu un bar, unda cu persona por sinta. Segun e empleado di Man Power na Bon Dia Aruba, mester kibra tur e klinkers nobo pa por haci e buraconan, y lo pone klinkers nobo cu ta mas bunita. □



Buraconan rond di e bel na Plaza Daniel Leo.



Cobando e buraco grandi pa e cazebo.



Trahado di Man Power trahando buraco riba e Plaza.



Trahando riba buraco.